

3. O Alcalde, o Pleno e a Xunta de Goberno. Composición e funcionamento dos órganos do Concello.
4. Principios xerais do funcionamento administrativo do Concello.
5. O persoal ao servizo do Concello. Dereitos e deberes dos traballadores. Réxime de incompatibilidades.
6. A prevención de riscos laborais no posto de traballo. Normas xerais. O traballo en equipo.
7. Elementos das instalacións nas fontes públicas. O seu mantemento.
8. Solución de avarías sinxelas nas fontes públicas. Uso e coidado de ferramentas específicas.
9. Conceptos elementais de albanelaría. Uso e coidado de ferramentas específicas.
10. Construcción de muros, morteros e formigóns. Revestidos.

Redondela, 11 de xullo de 2008.—O alcalde,  
Xaime Rei Barreiro. **2008007802**

## A N U N C I O

O Concello Pleno, en sesión de data 25 de xuño de 2008, aprobou inicialmente a modificación da Ordenanza municipal reguladora da xestión e do tratamento dos residuos sólidos urbanos, da limpeza de espazos públicos e da salubridade do Concello de Redondela. No Boletín Oficial da Provincia de data 23.07.2008 publicouse anuncio polo que se sometía á información pública polo prazo de trinta días a efectos de reclamacións e suxerencias. Non se presentaron nin alegacións nin suxerencias, polo que se eleva a definitivo o seu texto íntegro que se transcribe a continuación.

Texto integrado da:

Ordenanza municipal reguladora da xestión e do tratamento de residuos sólidos urbanos, da limpeza de espazos públicos e da salubridade.

(BOP núm. 166, do 30.08.93, núm. 97 do 24.05.04 e núm. 15 do 24.01.05)

### CAPÍTULO I

#### DISPOSICIÓN XERAIS

##### *Artigo 1.*

A presente ordenanza ten por obxecto:

- a) A regulación das actividades e comportamentos dirixidos á limpeza e utilización de vías e espazos públicos, mercados, praias, terreos e edificios públicos e privados co alcance que se determinan neste texto.
- b) A recollida de lixo e residuos sólidos urbanos, o seu transporte e posterior tratamento.

##### *Artigo 2.*

1.—Estarán dentro do ámbito de aplicación desta ordenanza os refugallos e residuos sólidos producidos como consecuencia das seguintes actividades e situacións:

- a) os residuos de orixe doméstica
- b) os residuos xerados en comercios, oficinas e servizos
- c) os residuos procedentes da limpeza das vías públicas, zonas verdes, áreas recreativas e praias
- d) os residuos procedentes de lonxas, mercados, feiras, festexos, peregrinaxes, excursións, acampadas ou actos similares
- e) os mobles, utensilios e electrodomésticos desbotados, así como os entullos de construción e obras menores de reparación domiciliar ata un máximo de 20 quilogramos
- f) en xeral, todos aqueles residuos cuxa recollida, transporte, almacenamento, tratamento ou depósito controlado lles corresponda aos concellos, de acordo co establecido expresamente na lexislación do réxime local e nas demais disposicións vixentes.

2.—Queda rigorosamente prohibido utilizar o servizo municipal de recollida de residuos sólidos urbanos para desfacerse de calquera outro tipo de residuos non mencionados no apartado anterior, especialmente os seguintes:

- a) os residuos radioactivos
- b) os residuos procedentes de actividades industriais.
- c) os residuos resultantes da prospección, extracción, tratamento e almacenamento de recursos minerais e da explotación de canteiras.
- d) as materias fecais e outras substancias naturais non perigosas das explotacións agrícolas e gandeiros que se utilicen exclusivamente no marco da explotación agraria.
- e) os residuos xerados pola actividade especificamente sanitaria en hospitais, clínicas e ambulatorios.
- f) os residuos xerados pola actividade veterinaria.
- g) os efluentes líquidos vertidos ás augas continentais e ao mar.
- h) os efluentes gaseosos emitidos á atmosfera.

##### *Artigo 3.*

No non regulado expresamente será de aplicación o disposto na lexislación vixente.

##### *Artigo 4.*

1.—A limpeza da rede viaria e de espazos públicos e a recollida dos residuos será realizada directamente polos servizos municipais ou, se é o caso, a través das empresas xestoras ou prestadoras do

servizo co alcance e extensión que se determinen nesta ordenanza e nos respectivos contratos que se concerten coas empresas, de acordo co contido da obriga daqueles.

2.—Os residuos procedentes da limpeza a que se refire o apartado anterior depositaranse en recipientes normalizados e queda prohibido o seu amreamento ou depósito ao aire libre ou utilizando outros recipientes ou medios non autorizados.

#### Artigo 5.

1.—A limpeza de rúas, espazos e terreos de dominio particular corresponderalles aos propietarios individualmente ou a quen corresponda en réxime de copropiedade.

2.—Os propietarios ou os que habiten ou ocupen os inmobles deberán manter permanentemente limpos os patios de luces, de rueiros ou outras zonas comúns, conforme ás súas normas estatutarias ou aos acordos adoptados nas xuntas ou asemblea.

#### Artigo 6.—*Prohíbese rigorosamente:*

- a) botar ás vías e espazos públicos calquera tipo de residuos, desperdicios, papeis e similares, debendo utilizar os que desexen desprenderse dos de pequena entidade as papeleiras instaladas para tal fin.
- b) botar ás beirarrúas ou á calzada desperdicios e, en xeral, calquera reboutallo procedente da limpeza dos locais ou vivendas.

#### Artigo 7.

Queda prohibido realizar calquera operación que poida lixar as vías e os espazos públicos e de forma especial:

- a) lavar, limpar e reparar vehículos así como cambiarlles o aceite ou outros líquidos.
- b) manipular ou seleccionar os reboutallos ou residuos sólidos urbanos producindo a súa dispersión, dificultando a recollida ou alterando os seus envases
- c) sacudir ou limpar esteiras, alfombras ou calquera outro obxecto na vía pública ou sobre esta desde fiestras, balcóns ou terrazas

#### Artigo 8.

Non se permite deixar nas vías ou nos espazos públicos ningún tipo de cartel, folleto, folla solta ou calquera medio impreso. Serán responsables da infracción as persoas físicas ou xurídicas que resulten ou aparezan como promotoras da publicidade, anuncio ou convocatoria e, solidariamente, os axentes distribuidores.

#### Artigo 9.

1.—Os establecementos de carácter permanente ou de temporada situados en vías e espazos públicos estarán obrigados a manter permanentemente limpo o espazo no que desenvolvan a súa actividade así como as súas proximidades.

2.—A mesma obriga incumbe aos propietarios de cafés, bares e establecementos análogos en canto á superficie de vía ou espazo libre público que se ocupe con mesas, cadeiras e outros elementos, así como á beirarrúa correspondente á lonxitude da súa fachada.

3.—Os titulares de expendedorías de loterías, e en xeral de actividades que polas súas características poidan dar lugar a que os clientes acostumen a desprenderse de papeis, impresos, envases, envoltorios e similares, disporán de papeleiras ou recipientes co fin de evitar que se depositen ou tiren á vía pública.

#### Artigo 10.

1.—Rematadas as operacións de carga e descarga de calquera vehículo, procederase a limpar as beirarrúas e calzadas que fosen ensuciadas durante a operación retirando da vía pública os residuos vertidos, sen prexuízo de observar o cumprimento da normativa de seguridade vial.

2.—Están obrigados ao cumprimento do disposto neste precepto os donos dos vehículos, as persoas que realicen as operacións e subsidiariamente os titulares dos establecementos ou predios para os que se efectuasen as operacións indicadas.

#### Artigo 11.

Os posuidores de animais domésticos están obrigados a retirar calquera defecación depositada en vías ou espazos públicos no momento no que se produzan.

## CAPITULO II

### LIMPEZA DE TERREOS E EDIFICIOS

#### Artigo 12.

Os propietarios de toda clase de terreos, rústicos ou urbanos, así como de calquera construción, deberán mantelos en permanente estado de limpeza, salubridade e ornato público; esta obriga atinxe á totalidade das edificacións ou parte destas, especialmente as visibles desde a vía pública, procedendo, a requirimento do Concello cando o seu estado o esixa, ao pintado, remoción ou lavado.

#### Artigo 13.

1.—Cando se realice a limpeza de escaparates, portas, marquesiñas, toldos e demais elementos dos inmobles coas vías públicas adoptaranse as debidas precaucións para non causarlles molestias aos transeúntes nin ensuciar a vía pública, e se non obstante esta fose ensuciada, os donos dos establecementos estarán obrigados á súa limpeza retirando os residuos resultantes. Os propietarios e condutores de vehículos que transporten terras, entullos, materiais poeirentos, áridos, formigón, cartóns, papeis ou calquera outra materia similar haberán de

tomar cantas medidas sexan precisas para cubrir tales materiais durante o transporte e evitar que, por causa da súa natureza ou por efecto da velocidade do vehículo ou do vento, caian sobre a vía pública parte dos materiais transportados; de producirse a caída, teñen a obriga de recollelos e de limpar perfectamente os residuos así como, se é o caso, de baldear a zona afectada.

2.—Así mesmo, antes de saír das obras, haberán de lavarse os baixos e as rodas dos vehículos co fin de impedir que ensucien as vías públicas.

#### Artigo 14.

Co obxecto de manter as condicións de limpeza e pulcritude que esixen o ornato e a estética da cidade, prohibese:

- a) colocar carteis e realizar inscricións ou pintadas en paredes, muros, fachadas, farois, valados, papeleiras e noutros elementos das vías públicas non instalados con esta finalidade.
- b) romper, ensuciar ou arrincar aqueles carteis ou anuncios situados nos lugares autorizados para tal efecto.

#### Artigo 15.

Os propietarios ou titulares de inmobles ou establecementos coidarán de manter limpas as paredes e fachadas de calquera tipo de anuncio, excepto os dunha profesión ou actividade sempre que se dispoña da autorización para a súa instalación.

#### Artigo 16.

Cando o inmovible teña sido obxecto de pintadas ou pegada de carteis, o propietario ou a persoa encargada comunicarallo ao servizo municipal competente, que ordenará a súa limpeza con cargo á persoa que resulte responsable.

#### Artigo 17.

Durante os períodos electorais en que sexa pertinente a realización de actos de propaganda e publicidade impresa, o Concello adaptará espazos especialmente reservados para a súa utilización como soportes publicitarios, de conformidade coa normativa específica aplicable.

### CAPÍTULO III

#### RECOLLIDA DE RESIDUOS SÓLIDOS

#### Artigo 18.

1.—A recollida e o transporte dos residuos sólidos domiciliarios e asimilables para o seu tratamento nos centros de eliminación realizaraa o Concello ou a empresa xestora dos servizos nas condicións, itinerarios, frecuencia e horarios que o Concello determine, daráselle publicidade a través

dos medios apropiados para o seu coñecemento polos veciños, especialmente cando se introduzan modificacións que deban ser coñecidas.

2.—Ningunha persoa física ou xurídica poderá dedicarse á recollida, transporte ou aproveitamento de residuos sólidos, calquera que sexa a súa natureza, sen a concesión ou autorización municipal previa.

#### Artigo 19.

1.—Os residuos correspondentes ao contedor verde depositaranse nos contedores sempre en bolsas de plástico debidamente pechadas e consistentes coa finalidade de evitar a dispersión e os vertidos así como de contribuír á seguridade do persoal encargado do servizo.

2.—Os residuos correspondentes aos contedores amarelo (envases lixeiros) e azul (papel e cartón), así como aos contedores de vidro, deberán depositarse obrigatoriamente neles cando estean situados a menos de 100 metros do domicilio.

3.—O papel e cartón e o vidro depositaranse nos respectivos contedores sen bolsa. O papel-cartón pregado ou dobrado e os envases de vidro baleiros e sen tapa.

4.—As pilas poderán serlles entregadas aos axentes distribuidores de acordo coa normativa específica de aplicación ou depositadas nos lugares establecidos polo Concello.

#### Artigo 20.

Normas de utilización dos contenedores.

- a) Para cada tipo de residuos utilizarase obrigatoriamente o contenedor correspondente.
- b) Utilizarase o contenedor máis próximo ao lugar de produción do residuo. Se este se atopara cheo, utilizarase o seguinte máis próximo, evitando o desbordamento.
- c) Os residuos de grande tamaño deberán reducirse para que ocupen o menor volume posible.
- d) Pecharase a tapa do contenedor despois de depositar os residuos.

#### Artigo 21.

Queda expresamente prohibido:

- a) Depositar bolsas ou residuos fóra dos contedores ou na vía pública. Os residuos soltos de escasa entidade depositaranse nas papeleiras.
- b) Depositar residuos ordinarios sen separar as correspondentes fraccións de envases lixeiros, papel-cartón, vidro e pilas.
- c) Depositar residuos procedentes da limpeza de calquera tipo de predio ou xardín.

- d) Depositar residuos en contedores non homologados polo Concello.
- e) Introducir nos contedores residuos voluminosos do fogar, animais de compañía mortos, residuos de construción ou demolición, así como todos aqueles que poidan producir avarías no sistema mecánico dos vehículos de recollida ou danos no contedor.
- f) Depositar en calquera contedor da vía pública residuos susceptibles de seren incluídos en calquera das categorías do apartado 2 do artigo 2.

*Artigo 22.*

Os residuos correspondentes ao contedor verde (fracción resto) deberán ser depositados entre as 21.00 e as 23.00 horas dos días laborais. Nos lugares onde a recollida non é diaria só se poderán depositar o día anterior á recollida entre as 21:00 e as 23:00 horas.

*Artigo 23.*

Nos contedores de vidro os residuos só poderán ser depositados entre as 8:00 e as 22:00 horas.

*Artigo 24.*

Se unha persoa ou entidade pública ou privada tivese que depositar unha grande cantidade de residuos, ou superior á que constitúe a súa produción diaria, está obrigada a comunicarllo previamente ao servizo municipal ou á empresa concesionaria co fin de que se lle indique o xeito no que debe realizarse o depósito.

#### CAPÍTULO IV RESIDUOS ESPECIAIS

*Artigo 25.*

Voluminosos. Aqueles mobles, electrodomésticos, etc. que polo seu peso ou volume non deban ser depositados no contedor serán depositados no lugar, día e hora sinalados polo servizo de recollida tras o aviso telefónico do interesado.

*Artigo 26.—Animais mortos.*

1.—Está prohibido abandonar cadáveres de calquera animal sobre toda clase de terreos, vías ou espazos públicos.

2.—Quen observe a presenza dun animal morto nas vías ou espazos públicos deberá comunicarllelo aos servizos municipais, que procederán á súa retirada nas debidas condicións hixiénico-sanitarias.

*Artigo 27.—Aceites usados.*

Os aceites fritos usados de orixe doméstica non poderán ser eliminados a través do sistema de saneamento, senón que deberán depositarse nos lugares

habilitados para tal efecto polo Concello, nunha cantidade que non será superior a 10 litros por persoa e día. Por riba desta cantidade, será obrigatorio pórse en contacto cos servizos municipais.

*Artigo 28.—Aparellos eléctricos e electrónicos.*

De acordo coa lexislación aplicable, prohíbese o depósito de aparellos eléctricos ou electrónicos (informática, son, imaxe e similares) a través do sistema ordinario de recollida. Os posuidores deberán solicitarlle a recollida ao servizo a través do teléfono habilitado para tal efecto.

*Artigo 29.—Outras tipoloxías de residuos.*

O Concello, directamente ou a través dos instrumentos xurídicos que resulten de aplicación, poderá impulsar a recollida específica de calquera residuo de orixe doméstica ou asimilable, instalando ou creando os puntos ou sistemas de recollida necesarios e realizando as campañas informativas correspondentes.

#### CAPÍTULO V RÉXIME SANCIONADOR

*Artigo 30.—Infraccións.*

Constitúen infraccións a esta Ordenanza os actos e omisións que contraveñan o establecido nela.

*Artigo 31.—Infraccións leves.*

Considéranse infraccións leves todas aquelas condutas non tipificadas como infraccións graves ou moi graves e, en particular,

- a) O incumprimento das disposicións en materia de limpeza, salubridade e ornato de soares, terreos e edificios.
- b) Depósitos de residuos domiciliarios ou doutra natureza en papeleiras.
- c) Incumprimento das normas sobre utilización dos contedores destinados á recollida dos diferentes tipos de residuos.
- d) Non proceder á limpeza das defecacións de cans ou outros animais nas vías públicas ou non adoptar as precaucións establecidas nesta ordenanza.

*Artigo 32.—Infraccións graves.*

Constitúen infraccións graves as seguintes:

- a) Incumprimento das prohibicións establecidas para os residuos non considerados como de orixe doméstica.
- b) Colocar carteis en lugares non permitidos e realizar inscricións ou pintadas.
- c) Abandono de mobles e aparellos na vía ou espazos públicos.

- d) Abandono de animais mortos ou a súa inhumación en terreos públicos.
- e) Non manter os terreos e construcións limpos cando poidan afectar á paisaxe, salubridade ou seguridade por mor do risco de incendios, epizootias ou brotes infecciosos.
- f) O incumprimento das probicións establecidas no apartado 2 do artigo 2.
- g) A reincidencia na comisión de faltas leves.

*Artigo 33.—Infraccións moi graves.*

Constitúen infraccións moi graves as seguintes:

- a) Adicarse á recollida, transporte, aproveitamento ou depósito de residuos sen a debida autorización ou licenza.
- b) Non proporcionarlle información ao Concello sobre a orixe, cantidades e características dos residuos que poidan producir transtornos no transporte ou tratamento así como proporcionar datos falsos ou impedir e obstruír o labor inspector nos supostos de residuos industriais.
- c) Vertido de lixos e residuos sólidos en lugares non autorizados.
- d) A reincidencia na comisión de faltas graves.

*Artigo 34.—Sancións.*

- a) Para as infraccións leves: multa dende 90,00 ata 750,00 euros.
- b) Para as infraccións graves: multa entre 750,01 e 1.500,00 euros.
- c) Para as infraccións moi graves: multa entre 1.500,01 e 3.000,00 euros.

Redondela, 1 de setembro de 2008

O Concelleiro Delegado de Medio Ambiente

(Delegación BOP núm. 146, do 30 de xullo de 2007), Xosé Carlos Pazos Docampo. **2008009025**

\* \* \*

**MONDARIZ**

**A N U N C I O**

O Pleno da Corporación, en sesión extraordinaria e urxente celebrada o pasado 27.08.2008, acordou modificar a Ordenanza non fiscal nº 1 reguladora de Precios Públicos por realización de actividades culturais, lúdicas e deportivas, concretamente polo que se refire á tarifa establecida para a Fest Gastronómica da Pata do Porco.

O texto definitivo se inserta a continuación, prevendo a súa entrada en vigor coa publicación do presente no Boletín Oficial da Provincia.

Ordenanza de Precios Públicos Nº I.

Ordenanza Reguladora dos Precios Públicos pola realización de actividades culturais, lúdicas e deportivas.

*ARTIGO 1.—CONCEPTO*

De conformidade co previsto nos artigos 127 e 41 e ss. do T.R. 2/2004 da Lei reguladora das Farcendas Locais, este Concello establece o precio público pola realización de actividades culturais, lúdicas e deportivas, de competencia local en establecementos municipais, ou ó aire libre en territorio do término municipal.

Consideraranse actividades incluídas no ámbito de aplicación desta ordenanza, as actividades lúdicas, deportivas, culturais, e, en xeral de entretemento da xuventude e dos maiores que organice o Concello no exercicio das súas competencias, establecidas no artigo 25.2 m), “ actividades ou instalacións culturais e deportivas; ocupación do tempo libre e turismo”.

*ARTIGO 2.—OBRIGADOS O PAGAMENTO*

Están obrigados ó pagamento destes precios públicos as personas que voluntariamente decidan participar na actividade que en cada caso se convoque. De non teren maioría de idade ou non estaren emancipados serán contribuíntes os seus pais, titores ou representantes legais.

*ARTIGO 3.—CONTÍA*

As tarifas deste precio público serán as seguintes:

- A) EXCURSIÓNS. 10,00 € por persona.
- B) CAMPAMENTOS. 50,00 € por persona e mes
- C) LUDOTECA DE INVERNO. 40,00 € por persona e mes.
- D) ACTUACIÓN TEATRAL. 6,00 € por persona
- E) ACTUACIÓNS TEATRAIS DO PROGRAMA CULTURA EN FAMILIA. 1,00 € por persoa.
- F) CONCERTOS EN RECINTO PECHADO. 6,00 € por persona.
- F) FESTA GASTRONÓMICA PATA DO PORCO. 7,00 € por ración de pata de porco.
- 8,00 € por ración de pulpo.
- 1,50 € por cunca de viño.

*ARTIGO 4.—OBRIGA DE PAGAMENTO*

A obriga de pagamento dos precios públicos regulados nesta Ordenanza nace coa formalización de solicitude de participación na actividade de que en cada caso se trate, según modelo divulgado pola Concellería de Cultura ou pola Oficina Municipal de Información Xuvenil.